

Zeitschrift: Le nouveau conteur vaudois et romand
Band: 95 (1967-1968)
Heft: 11-12

Rubrik: Page fribourgeoise
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.05.2025

ETH-Bibliothek Zürich, E-Periodica, <https://www.e-periodica.ch>



Page fribourgeoise

Lè Triolè ou Mouret

Vinyê du on bokon pêto, du Wallenried, du Avry-chu-Rojé, du Friboua è di velâdzo d'la kotze, lè patèjan chè chon rètrovâ la né d'la Fithâ-Dyu a la Kri-Byantse dou Mouret. Kan on'a on tréjouâ din ouna kotze, y fô a to prî le konchèrvâ. L'è pochin ke no j'avan fondâ l'Amicale. Y l'è on dèvé dè rémarhyâ lè j'èmi ke vinyon du bin yin a nouthrè rinkontrè. Chi korâdzo dèvetthrè raloumâ la hyanma dou patè dè Prareman ke richkè dè chè dèhyindre è ke no fâ dou pochyin.

Po le piti nonbro dè 36 j'èmi, l'achin-byâye chè ourâye pè lè chouè dè binvinyète dè M. Franthè Mouron préjidan. Dè chute apri Mariéta Bongâ l'a yê le protocole d'la bala rinkontra dou 26 dè mâ a Epindè k'èthê j'ou inrèjichtrâye pè la Radio d'la Chuiche Remanda. Du chin la parola l'è j'ou baya i Moncheu Rochi è Chibo d'Avry ke no j'an bayi di fâchè dè lou lingâdzo ke no j'an bin konprê. Du Trivo no j'avan nouthrè j'abituâ MM. Franthè Bourdyè è Pièro Yêrle ke l'an rèpondu châvamin a la dèmanda dou prèjidan. Arkonhyi no bayè di brâvo j'èmi dou patè pè Madama Chorderè è M. Luvi Python, ke chè pâ préyi po no kontâ di pititè j'ichtouârè. L'è j'èpâ Rênô d'Epindè no j'an fê a rire avui lou fâchè è lou tsan. Che Madama Antoinète Proudzin, dè Friboua, no j'invitâvè d'alâ i rogachyon dè Morlon, lè Moncheu Martson è Folly no kontâvan tsakon oun'ichtouâre novala ke no j'a fê pyéji. Lè Moncheu

Franthè Mouron è Francis Tanner l'an yê di j'èkri dou Révéren Père Yodo Cotting ke le préjidan l'avi j'ou bin choin dè vouêrdâ. Po ithre la né d'la Fithâ-Dyu, vouthra pitita chèrvinta dou patè l'avé tradui le bi tsan dè Friboua ou Chakré-Kâ ke l'è j'ou akutâ avui atinhyon. La tsanthon dou Viyo tin l'è j'ou inbriyâye pè ti lè j'èmi.

Che le nonbro di patèjan dè Prareman èthê bin mégro, no j'avan la tsanthe d'avé pèrmi no M. Pièro Kolly, ke l'è tan alêgro din nouthrè rinkontrè è no dèvin le rémarhyâ.

Po hyoure ha réunion, no j'an tsantâ « Lè j'armalyi di Colonbètè » è M. le préjidan l'a chouètâ ouna bouna rintrâye a ti lè j'èmi. D'outon kevin l'achinbyâye l'arè yu a Bounafontanna.

Organijâye pè lè bon choin dè M. Francis Tanner, chin no parmè dè no rèdzoyi d'avantho.

Mariéta Bongâ.

On dremian

Chtache chè pachâye vè nothrè-j-èmi dou tyinton dè Vô.

Ou lulu ke n'èthi pâ fotu d'alâ ou pridzo chin ronhlyâ kemin on bènirâ, chè trôvâ on dzoa, per ajâ, avi le minichtro è on konchilyé dè pèrotze. Chtiche, po fère a vère k'irè on bon krètyin è po fère plyéji ou minichtro, fâ ou dremyan :

— Di-vê, Abran, kan te vâ ou pridzo te fâ tyè dè dremi, akuta, chin n'è pâ è pagni bin alêgro ; tè fô tè rèvèlyi, tè dèboubenâ on bokon.

Le minichtro ly-a trôvâ ke le konchilyé ly-avi réjon. Ma, mon Abran, ke tigni pâ cha linvoua ou tzô, l'a pâ oyu dè cht'orolye, du kemin n'a hlyotze, ly rèbrekè :

— Tyin è-the le plye koupâblyo, chi ke doâ oubin chi ke ly-indoâ ?...

*Cyprien Ruffieux
(Tobi di-j-élindzo)*